

BUYRUQ

№ 289

“ 19 ” 11 20 18 ”

Ўзбекистон Республикаси Президентининг 2018 йил
14 ноябрдаги ПФ-5577-сонли Фармони ижроси тўғрисида

Ўзбекистон Республикаси Президентининг 2018 йил 14 ноябрдаги ПФ-5577-сонли “Қурилиш соҳасини давлат томонидан тартибга солишни такомиллаштириш қўшимча чора-тадбирлари тўғрисида”ги Фармони ижросини таъминлаш мақсадида

Б У Ю Р А М А Н:

1. Ўзбекистон Республикаси Президентининг 2018 йил 14 ноябрдаги ПФ-5577-сонли “Қурилиш соҳасини давлат томонидан тартибга солишни такомиллаштириш қўшимча чора-тадбирлари тўғрисида”ги Фармони маълумот ва ижро учун қабул қилинсин.

2. Мазкур фармондан келиб чиқиб қуйидагилар:

а) 2018 йил 1 декабрдан бошлаб:

барча қурилиш объектлари учун лойиҳаларнинг смета қисмини экспертизадан ўтказиш мажбурийдир, қурилиши тўғридан-тўғри инвестициялар, шу жумладан, хорижий инвестициялар ҳисобига амалга ошириладиган объектлар бундан мустаснолиги;

қурилиши тугалланган объектларни фойдаланишга қабул қилиш қурилиш соҳасидаги назорат инспекцияси, кадастр органлари, буюртмачи, пудратчи (бош пудратчи) вакиллари иштирокида амалга оширилади, давлат харидлари субъектлари маблағлари ҳисобига молиялаштириладиган объектларни қуриш бундан мустаснолиги;

пудрат ташкилотлари ва лойиҳа ташкилотлари ўртасида консорциум ташкил этиш ҳамда консорциум иштирокчилари зиммасига лойиҳани сифатли ва ўз вақтида амалга ошириш учун солидар жавобгарликни юклаш орқали “fast-track” усули (бир вақтнинг узида лойиҳалаштириш, харид қилиш ва қурилиш ишлари) билан “тайёр ҳолда топшириш” шартлари (Engineering Procurement Construction) асосида лойиҳаларни амалга оширилиши;

б) 2019 йил 1 январдан бошлаб:

лойиҳалаш ва қурилиш фаолиятини амалга ошириш учун Иқтисодий ҳамкорлик ва ривожланиш ташкилотига аъзо давлатларнинг ваколатли органлари, ташкилотлари, жамиятлари ва бирлашмалари томонидан берилган сертификатлар ва бошқа рухсат берувчи ҳужжатлар (лицензиялар) тан олинishi;

қурилиш учун ер участкаларининг ўз вақтида ва тўғри ажратилиши ҳамда қурилиш-монтаж ишлари тасдиқланган бош режага ёки ер участкаларини жойлаштириш схемаларига (бош режа мавжуд бўлмаганда) боғламасдан амалга оширилиши учун тегишли ҳокимларнинг шахсий жавобгарлиги белгиланиши;

қурилиш учун ер участкалари ўз вақтида ажратилмаслиги ёки нотўғри ажратилиши натижасида юзага келган харажатлар маҳаллий бюджетлар маблағлари ҳисобидан, кейинчалик айбдор шахслардан регресс тартибда ундириш орқали қопланиши;

миллий қурилиш нормалари ва қоидаларини ишлаб чиқиш ҳамда такомиллаштириш, шунингдек қурилишга оид хорижий норматив-техник ҳужжатларни мослаштириш факат танлов асосида амалга оширилиши;

миллий қурилиш нормалари ва қоидаларини қайта кўриб чиқишда, шунингдек қурилишга оид хорижий норматив-техник ҳужжатларни мослаштиришда мулкчилик шаклидан катъий назар миллий ва хорижий юридик шахслар, жамоат ва халқаро ташкилотлар, шунингдек шу соҳага ихтисослашган илмий-тадқиқот муассасалари иштирок этишга ҳақлилиги;

Ўзбекистон Республикаси Қурилиш вазирлиги миллий қурилиш нормалари ва қоидаларини ишлаб чиқиш ҳамда такомиллаштириш, шунингдек қурилишга оид хорижий норматив-техник ҳужжатларни мослаштириш ва уларни амалиётга жорий этиш бўйича ишларнинг буюртмачиси ҳисобланиши;

қурилиш нормалари ва қоидалари ҳар томонлама экспертизадан ўтказиш натижалари асосида Қурилиш вазирлигининг қарори билан тасдикланади ва Ўзбекистон Республикаси Адлия вазирлигида мажбурий тартибда рўйхатдан ўтказилиши шартлилиги;

белгиланган тартибда рўйхатдан ўтказилган қурилиш стандартлари, техник регламентлар, қурилиш нормалари ва қоидаларининг ягона каталогини юритиш, расмий веб-сайтида эълон қилиш ва янгилаб бориш орқали каталогдан бемалол фойдаланишни таъминлаш “Ўзстандарт” агентлигига юкланганлиги;

в) 2019 йил 1 мартдан бошлаб:

малакага эга бўлиши Ўзбекистон Республикаси қонун ҳужжатларига мувофиқ мажбурий бўлган қурилиш соҳасидаги мутахассисларни сертификатлаш Ўзбекистон муҳандислар-консультантлар уюшмаси томонидан амалга оширилиши;

лойиҳалаш фаолиятини амалга оширишга штатида тегишли сертификатга эга ва доимий асосда ишлайдиган камида икки нафар муҳандис мавжуд бўлган

ёхуд Ўзбекистон муҳандислар-консультантлар уюшмаси аъзоси бўлган юридик шахсларга рухсат берилиши;

объектларни қуришнинг барча босқичларида муаллифлик ва техник назорат мажбурийдир ҳамда тегишли равишда лойиҳа муаллифи ва буюртмачи томонидан ёки сертификатга эга эксперт жалб қилиш йўли билан амалга оширилиши;

қурилаётган объектлар устидан муаллифлик назорати, техник назорат ва текширув фақат белгиланган тартибда сертификат олган мутахассислар томонидан амалга оширилиши;

г) **2020 йил 1 январдан бошлаб** уй-жой қурилиши объектлари лойиҳа-тадқиқот ва қурилиш-монтаж ишларини бажариш босқичида энергия-самарадор ва энергия-тежамкор ускуналар билан мажбурий равишда жиҳозланиши, шунингдек, улар фойдаланишга қабул қилинишидан аввал энергетик аудит паспортини олиши керак, BREEAM (бинолар самарадорлигини экологик баҳолаш усули) ва LEED (энергия-самарадор ва экологик лойиҳалаштириш бўйича қўлланма) халқаро стандартлари бўйича сертификатга эга объектлар бундан мустаснолиги белгиланганлиги инобатга олинсин.

3. Вазирлик томонидан Адлия вазирлиги ва Ўзбекистон Республикаси Президенти ҳузуридаги Лойиҳа бошқаруви миллий агентлиги билан биргаликда қурилиш соҳасини техник тартибга солишнинг норматив базасини ислоҳ қилиш бўйича:

а) Техник меъёрлаш, янги технологияларни жорий этиш бошқармаси (А.Муслимов), Лойиҳа-қидирув ташкилотлари фаолиятини мувофиқлаштириш бўлими (Б.Сагатов) лойиҳа институтлари билан биргаликда:

тайёргарлик даври (2019-2021 йиллар) - Ўзбекистон Республикасининг геологик, табиий-иқлим, сейсмологик ва бошқа хусусиятларини инобатга олган ҳолда амалдаги миллий қурилиш нормаларини қайта кўриб чиқиш, шунингдек, қурилишга оид хорижий норматив-техник ҳужжатларни мослаштиришни;

б) Техник меъёрлаш, янги технологияларни жорий этиш бошқармаси (А.Муслимов), Қурилишда Стандартлаштириш Республика маркази (С.Ходжаев) тегишли идоралар билан биргаликда:

ўтиш даври (2022-2026 йиллар) - миллий қурилиш нормалари ва қоидаларига мослаштирилган қурилишга оид хорижий норматив-техник ҳужжатларни амалиётга жорий этиш, қурилиш соҳасига инновациялар жорий этиш, янги технологиялар, материаллар, буюмлар ва конструкцияларни ўзлаштириш юзасидан комплекс чора-тадбирларни амалга оширишни;

в) Техник меъёрлаш, янги технологияларни жорий этиш бошқармаси (А.Муслимов), Лойиҳа-қидирув ташкилотлари фаолиятини мувофиқлаштириш бўлими (Б.Сагатов) лойиҳа институтлари билан биргаликда:

якуний давр (2027-2028 йиллар) - миллий ва мослаштирилган хорижий қурилиш нормалари ҳамда қоидаларини қўллаш тажрибасини умумлаштириш асосида қурилиш соҳасини техник тартибга солишнинг ягона норматив базасини яратишни назарда тутувчи таклифларни ишлаб чиқсин ва тасдиққа киритсин.

4. а) Лойиҳалаштириш ва қурилиш соҳасида иқтисодий ислохотлар бошқармаси (З.Ювмеътов), Техник меъёрлаш, янги технологияларни жорий этиш бошқармаси (А.Муслимов):

2019-2021 йилларда Ўзбекистон Республикаси давлат қурилиш стандартлари, техник регламентлари, қурилиш нормалари ва қоидаларини қайта қўриб чиқиш жадвали тасдиқланганлиги;

Молия вазирлиги ҳар йили Ўзбекистон Республикаси Давлат бюджетини шакллантиришда жадвал бўйича ишларни молиялаштириш учун зарур ажратмаларни назарда тутиши;

Ўзбекистон Республикаси Ҳисоб палатаси Адлия вазирлиги ва Бош прокуратура билан ҳамкорликда жадвалнинг ижроси устидан қатъий назорат ўрнатишини инобатга олган ҳолда бу борадаги ишларни қатъий назоратга олсин.

Назорат - вазирнинг ўринбосари (Б.Ўраков)

б) Архитектура ва ҳудудларни шаҳарсозлик жиҳатдан ривожлантириш бошқармаси (Р.Ҳикматуллаев) Қурилиш соҳасида назорат инспекцияси (А.Турапов):

2021 йилнинг охиригача Жаҳон банкининг “Бизнес юритиш” гуруҳи ҳисоботида “қурилиш учун рухсатномалар олиш” кўрсаткичи бўйича республика кўрсаткичларини йилдан-йилга яхшилаб борган ҳолда республикани жаҳоннинг энг илғор 50 мамлакатлари қаторига киришига эришишни қурилиш соҳаси фаолияти самарадорлигининг энг муҳим кўрсаткичларидан бири этиб белгилаб, ушбу тармоқнинг норматив-ҳуқуқий базасини илғор хорижий тажриба асосида янада такомиллаштириш ва янгилаш учун тегишли чораларни кўрсинлар.

Назорат - вазирнинг биринчи ўринбосари (Б.Закиров) ҳамда вазир ўринбосари (К.Туляганов)

5. 2018 йил 20 декабрга қадар:

а) Техник меъёрлаш, янги технологияларни жорий этиш бошқармаси (А.Муслимов) раҳбарлигида қуйидаги ишчи гуруҳи аъзолари Қурилишда Стандартлаштириш Республика маркази (С.Ходжаев), Халқаро алоқалар бўлими (О.Исроилов), Қурилиш соҳасида назорат инспекцияси (А.Турапов), Лойиҳа-қидирув ташкилотлари фаолиятини мувофиқлаштириш бўлими (Б.Сағатов), Ахборот-коммуникация технологияларини жорий этиш бўлими (Ф.Каримов) билан биргаликда:

Ташқи ишлар вазирлиги, “Ўзстандарт” агентлиги ва Ўзбекистон Республикаси Президенти ҳузуридаги Лойиҳа бошқаруви миллий агентлиги билан биргаликда Ўзбекистон Республикаси ҳудудида қурилишга оид хорижий

норматив-техник ҳужжатларни қабул қилиш ва мослаштириш учун ваколатли хорижий органлар ва ташкилотларнинг расмий рухсатини олишни таъминлаш;

Назорат - вазирнинг биринчи ўринбосари (Б.Закиров)

б) Таълим муассасалари фаолиятини мувофиқлаштириш бошқармаси (А.Қўлдошев) раҳбарлигида қуйидаги ишчи гуруҳи аъзолари Кадрлар бўлими бошлиғи (У.Валиева), Пудрат ишлари бозорини мувофиқлаштириш бошқармаси (М.Акромов), Лойиҳа-қидирув ташкилотлари фаолиятини мувофиқлаштириш бўлими (Б.Сағатов), Тошкент архитектура-қурилиш институти (Р.Ҳақимов), Самарқанд давлат архитектура-қурилиш институти (С.Аҳмедов) билан биргаликда:

Ўзбекистон Республикаси Олий ва ўрта махсус таълим вазирлиги, Ўзбекистон муҳандислар-консультантлар уюшмаси ва Ўзбекистон архитекторлар иттифоқи билан биргаликда лойиҳалаш ва қурилиш соҳасидаги мутахассислар малакасини ошириш дастурини ишлаб чиқсин;

Назорат - вазирнинг ўринбосари (Ш.Ҳашимов)

в) Техник меъёрлаш, янги технологияларни жорий этиш бошқармаси (А.Муслимов) раҳбарлигида қуйидаги ишчи гуруҳи аъзолари Қурилишда танлов савдоларни ташкиллаштириш бўлими (А.Ахунов), Қурилишда Стандартлаштириш Республика маркази (С.Ходжаев), Юридик бюро бошлиғи (А.Ражабов) билан биргаликда:

Адлия вазирлиги билан биргаликда миллий қурилиш нормалари ва қоидаларини ишлаб чиқиш ҳамда такомиллаштириш, шунингдек, қурилишга оид хорижий норматив-техник ҳужжатларни мослаштириш учун танлов ўтказиш регламентини тасдиқлаш учун Ўзбекистон Республикаси Вазирлар Маҳкамасига киритсин;

Назорат - вазирнинг ўринбосари (Б.Ўрақов)

г) Қурилишда Стандартлаштириш Республика маркази (С.Ходжаев) раҳбарлигида қуйидаги ишчи гуруҳи аъзолари Қурилиш индустриясини мувофиқлаштириш бўлими (А.Абдурахмонов), Лойиҳа-қидирув ташкилотлари фаолиятини мувофиқлаштириш бўлими (Б.Сағатов) “Ўзстандарт” агентлиги ва “Ўзқурилишматериаллари” АЖнинг ва лойиҳа институтларининг мутахассислари билан биргаликда:

“Ўзстандарт” агентлиги ва “Ўзқурилишматериаллари” АЖ билан биргаликда “Ўзқурилишматериаллари” АЖ фаолиятини ҳамда қурилиш материаллари ва буюмлари соҳасидаги стандартлаштириш ва сертификатлашнинг амалдаги тизимини тубдан такомиллаштириш юзасидан Ўзбекистон Республикаси Вазирлар Маҳкамасига таклифлар киритсин.

Назорат - вазирнинг ўринбосари (К.Туляганов)

6. 2019 йил 1 мартга қадар манфаатдор вазирлик ва идоралар билан биргаликда Вазирлар Маҳкамасига қуйидагилар бўйича таклифлар киритсин:

а) Қурилишда Стандартлаштириш Республика маркази (С.Ходжаев) раҳбарлигида қуйидаги ишчи гуруҳи аъзолари Қурилиш соҳасида назорат инспекцияси (А.Турапов), Лойиҳалаштириш ва қурилиш соҳасида иқтисодий ислохотлар бошқармаси (З.Ювматов), Лойиҳа-қидирув ташкилотлари фаолиятини мувофиқлаштириш бўлими (Б.Сагатов) ва лойиҳа институтлари билан биргаликда:

хорижий компанияларни жалб қилган ҳолда замонавий халқаро талаблар ва стандартларга жавоб берадиган ҳамда Ўзбекистон Республикасида ишлаб чиқарилмайдиган ва мамлакат ҳудудига илк маротаба олиб кириладиган қурилиш ускунаси, техникаси, материаллари ва буюмларини сертификация қилувчи Ўзбекистон Республикаси Президенти ҳузуридаги Лойиҳа бошқаруви миллий агентлиги қошидаги Аккредитация маркази томонидан белгиланган тартибда аккредитация қилинган синов лабораторияларини ташкил этиш;

Назорат – вазирнинг ўринбосари (К.Туляганов)

б) «Шаҳарсозлик ҳужжатлари экспертизаси» ДУК (В.Мураткабилов) раҳбарлигида қуйидаги ишчи гуруҳи аъзолари Қурилиш соҳасида лицензиялаштириш бўлими (И.Ҳотамов) тегишли бўлимлар билан биргаликда:

давлат органларининг идоравий объектларни қуриш, реконструкция қилиш, капитал ва жорий таъмирлаш бўйича буюртмачи функцияларини бажарувчи таркибий бўлинмаларини ташкил этиш.

Назорат – вазирнинг ўринбосари (Э.Искандаров)

в) Лойиҳа-қидирув ташкилотлари фаолиятини мувофиқлаштириш бўлими (Б.Сагатов) раҳбарлигида қуйидаги ишчи гуруҳи аъзолари Лойиҳалаштириш ва қурилиш соҳасида иқтисодий ислохотлар бошқармаси (З.Ювматов), Кадрлар бўлими бошлиғи (У.Валиева) ва лойиҳа институтлари билан биргаликда:

лойиҳа институтлари фаолияти самарадорлигини ошириш, шу жумладан лойиҳа-тадқиқот ишларини молиялаштириш механизмлари ва лойиҳавий ҳужжатларни ишлаб чиқиш муддатларини белгилашни такомиллаштириш.

Назорат – вазирнинг ўринбосари (Ш.Ҳашимов)

г) Лойиҳалаштириш ва қурилиш соҳасида иқтисодий ислохотлар бошқармаси (З.Ювматов) раҳбарлигида қуйидаги ишчи гуруҳи аъзолари «Шаҳарсозлик ҳужжатлари экспертизаси» ДУК (В.Мураткабилов), Қурилиш соҳасида назорат инспекцияси (А.Турапов) билан биргаликда:

ҳисобланган қиймати тасдиқланган лойиҳа-смета ҳужжатларига нисбатан ошиб кетган қурилиш объектларини молиялаштириш тартибини аниқлаш.

Назорат - вазирнинг ўринбосари (Б.Ўрақов)

д) Пудрат ишлари бозорини мувофиқлаштириш бошқармаси (М.Ақромов) раҳбарлигида қуйидаги ишчи гуруҳи аъзолари Лойиҳалаштириш ва қурилиш соҳасида иқтисодий ислохотлар бошқармаси (З.Ювметов), Қурилиш индустриясини мувофиқлаштириш бўлими (Д.Элибоев):

мамлакатнинг ҳар бир ҳудудида йирик ихтисослаштирилган қурилиш-пудрат ташкилотларининг фаолиятини ташкил этиш.

Назорат - вазирнинг ўринбосари (Э.Искандаров)

7. Лойиҳалаштириш ва қурилиш соҳасида иқтисодий ислохотлар бошқармаси (З.Ювметов) раҳбарлигида қуйидаги ишчи гуруҳи аъзолари Техник меъёрлаш, янги технологияларни жорий этиш бошқармаси (А.Муслимов), Қурилишда Стандартлаштириш Республика маркази (С.Ходжаев) билан биргаликда:

Инвестициялар бўйича давлат қўмитаси, Ташқи ишлар вазирлиги ва Ўзбекистон Республикаси Президенти ҳузуридаги Лойиҳа бошқаруви миллий агентлиги билан биргаликда амалдаги миллий қурилиш нормалари ва қоидаларини қайта кўриб чиқиш, қурилишга оид хорижий норматив-техник ҳужжатларни мослаштириш ва амалиётга жорий этиш бўйича ишларни молиялаштириш учун халқаро молия институтлари, хорижий ҳукумат ва ноҳукумат ташкилотлар ва донорларнинг маблағларини жалб қилиш чораларини кўриш юклатилсин.

Назорат - вазирнинг ўринбосари (Б.Ўрақов)

8. Бир ой муддатда:

а) Лойиҳа-қидирув ташкилотлари фаолиятини мувофиқлаштириш бўлими (Б.Сағатов) раҳбарлигида қуйидаги ишчи гуруҳи аъзолари Техник меъёрлаш, янги технологияларни жорий этиш бошқармаси (А.Муслимов), «Шаҳарсозлик ҳужжатлари экспертизаси» ДУК (В.Мураткабилов) ва лойиҳа институтлари билан биргаликда:

2019 йил 1 июлдан бошлаб қурилиш жараёнининг барча иштирокчилари (буюртмачи, лойиҳаловчи, пудратчи) учун BIM технологияларини қўллашга босқичма-босқич ўтишни назарда tutувчи тартибни Вазирлар Маҳкамасига киритсин.

Назорат – вазирнинг ўринбосари (Ш.Ҳашимов)

б) Қурилиш соҳасида лицензиялаштириш бўлими (И.Ҳотамов) раҳбарлигида қуйидаги ишчи гуруҳи аъзолари Қурилиш соҳасида назорат инспекцияси (А.Турапов), «Шаҳарсозлик ҳужжатлари экспертизаси» ДУК (В.Мураткабилов), Лойиҳа-қидирув ташкилотлари фаолиятини мувофиқлаштириш бўлими (Б.Сағатов) ва лойиҳа институтлари билан биргаликда:

Ўзбекистон Республикаси Президенти ҳузуридаги Лойиҳа бошқаруви миллий агентлиги ва Ўзбекистон муҳандислар-консультантлар уюшмаси билан биргаликда қурилиш объектларини лойиҳалаш, қуриш, фойдаланиш ва таъмирлаш соҳасидаги фаолиятнинг лицензияланадиган турларини сертификатланганлиги, аккредитациядан ўтказилганлиги ва лицензияланганлигини қайта кўриб чиқсин, қуйидагиларни назарда тутувчи лойиҳалаш ва қурилиш соҳасидаги фаолиятни аккредитациядан ўтказиш, сертификатлаш ва лицензиялаш тартиби ишлаб чиқишида тегишли таклифларни тақдим этилишини таъминласин:

2019 йил 1 мартдан бошлаб лойиҳалаш ва қурилиш соҳасидаги фаолиятни сертификатлаш ваколатларини Ўзбекистон муҳандислар-консультантлар уюшмасига, қурилиш соҳасидаги аккредитация ваколатларини Ўзбекистон Республикаси Президенти ҳузуридаги Лойиҳа бошқаруви миллий агентлиги қошидаги Аккредитация марказига беришни;

Ўзбекистон муҳандислар-консультантлар уюшмасининг лойиҳалаш ва қурилиш соҳасидаги сертификатлаш учун масъул ходимларининг малакасига ва тажрибасига талаблар белгилашни;

аниқ, батафсил лицензия талаблари ва шартларини, шунингдек, лицензия даъвогарининг лицензия талаблари ва шартларига мувофиқлигини текширишнинг самарали механизмини кўрсатган ҳолда лицензия битимини имзолашни бекор қилишни назарда тутувчи тартибларни ишлаб чиқишда қатнашсин ва таклифлар киритсин.

Назорат – вазирнинг ўринбосари (Э.Искандаров)

9. Қурилиш соҳасида назорат инспекцияси (А.Турапов) раҳбарлигида қуйидаги ишчи гуруҳи аъзолари Лойиҳалаштириш ва қурилиш соҳасида иқтисодий ислохотлар бошқармаси (З.Ювметов), «Шаҳарсозлик ҳужжатлари экспертизаси» ДУК (В.Мураткабилов), Ахборот-коммуникация технологияларини жорий этиш бўлими (Ф.Каримов), Пудрат ишлари бозорини мувофиқлаштириш бошқармаси (М.Акромов) билан биргаликда:

Ўзбекистон Республикаси Бош прокуратураси ва Ўзбекистон Республикаси Президенти ҳузуридаги Лойиҳа бошқаруви миллий агентлиги билан биргаликда **икки ой муддатда** қурилиш соҳасини назорат қилувчи инспекциялар фаолиятининг самарадорлигини ошириш, шу жумладан, моддий-техник базасини мустаҳкамлаш ҳамда уларнинг ходимларини ижтимоий химоя қилиш ва моддий рағбатлантиришни кучайтириш юзасидан таклифлар киритсин.

Назорат – вазирнинг ўринбосари (К.Туляганов)

10. **2019 йил 1 январга қадар** Ўзбекистон Республикаси Президенти ҳузуридаги Лойиҳа бошқаруви миллий агентлиги билан биргаликда:

а) Қурилиш соҳасида назорат инспекцияси (А.Турапов) раҳбарлигида қуйидаги ишчи гуруҳи аъзолари Лойиҳа-қидирув ташкилотлари фаолиятини

мувофиқлаштириш бўлими (Б.Сагатов), Пудрат ишлари бозорини мувофиқлаштириш бошқармаси (М.Ақромов), «Шаҳарсозлик ҳужжатлари экспертизаси» ДУК (В.Мураткабилов), Лойиҳалаштириш ва қурилиш соҳасида иқтисодий ислоҳотлар бошқармаси (З.Ювмётв):

қурилиш объектлари конструкциялари ва функциялари хавф-хатар тоифалари бўйича объектларни таснифлаш юзасидан лойиҳа-қидирув ва қурилиш-монтаж ишлари бўйича объектларнинг мураккаблик тоифалари Классификаторини қайта кўриб чиқсин.

лойиҳа ҳужжатларини экспертизадан ўтказувчи, қурилишнинг олиб борилиши устидан техник ва муаллифлик назоратини амалга оширувчи, қуриладиган объектларни текширувчи шахсларнинг малакасига ва уларни сертификатлашга талаблар қўйиш юзасидан таклифлар ишлаб чиқсин ва Ўзбекистон Республикаси Вазирлар Маҳкамасига киритсин;

Назорат – вазирнинг ўринбосарлари (К.Туляганов, Ш.Ҳашимов, ва Б.Ўрақов)

б) Техник меъёрлаш, янги технологияларни жорий этиш бошқармаси (А.Муслимов) раҳбарлигида қуйидаги ишчи гуруҳи аъзолари Қурилишда Стандартлаштириш Республика маркази (С.Ҳоджаев), Лойиҳа-қидирув ташкилотлари фаолиятини мувофиқлаштириш бўлими (Б.Сагатов) ва лойиҳа институтлари ҳамда “Энергия Тежаш Миллий Компанияси” АЖ билан биргаликда:

2020 йил 1 январдан бошлаб лойиҳа-қидирув ва қурилиш-монтаж ишларини бажариш босқичида уй-жой қурилиш объектларини энергия нуқтаи назаридан самарадор ва энергия тежовчи ускуналар билан жиҳозлашга мажбурий талаблар ўрнатилишини назарда тутувчи тартибни **2019 йил 1 мартга қадар** Ўзбекистон Республикаси Вазирлар Маҳкамасига киритсин.

Назорат – вазирнинг биринчи ўринбосари (Б.Закиров)

в) Таълим муассасалари фаолиятини мувофиқлаштириш бошқармаси (А.Қўлдошев) раҳбарлигида қуйидаги ишчи гуруҳи аъзолари Кадрлар бўлими бошлиғи (У.Валиева), Ахборот-коммуникация технологияларини жорий этиш бўлими (Ф.Каримов), Халқаро алоқалар бўлими (О.Исроилов), Пудрат ишлари бозорини мувофиқлаштириш бошқармаси (М.Ақромов), Тошкент архитектура-қурилиш институти (Р.Ҳақимов), Самарқанд давлат архитектура-қурилиш институти (С.Аҳмедов), Лойиҳа-қидирув ташкилотлари фаолиятини мувофиқлаштириш бўлими (Б.Сагатов) ва лойиҳа институтлари билан биргаликда:

2019 йил 1 апрелга қадар лойиҳалаш ва қурилиш соҳасидаги кадрларнинг, шу жумладан, профессор ва ўқитувчиларнинг хорижий мамлакатларда албатта амалиёт ўтказишини ташкил этган ҳолда узлуксиз, шу жумладан, масофавий касбга ўқитиш ва малакасини ошириш учун олий таълим

муассасалари ўқув дастурларини ушбу Фармон талабларига мувофиқ кўриб чиқиш юзасидан таклифлар киритсин.

Назорат – вазирнинг ўринбосарлари (Ш.Хашимов ва Б.Ўраков)

г) Вазирнинг барча ўринбосарларига:

вазирликнинг барча бошқарма ва бўлим бошлиқларига, лойиҳа институтлари директорларига тегишли вазирлик ва идоралар билан ҳамкорликда ишчи гуруҳи тузган ҳолда:

2019 йил 1 майга қадар Ўзбекистон Республикаси Шаҳарсозлик кодексининг янги таҳрирдаги лойиҳасини Ўзбекистон Республикаси Президенти Администрациясига киритсин, кодекснинг ўзида уни тўғридан-тўғри амалга ошириш механизмларини, шу жумладан қуйидагиларни:

қурилишни давлат томонидан тартибга солишнинг асосий принциплари, функциялари ва органлари, норматив-техник ҳужжатларни жорий этиш ва уларнинг каталогларини юритиш, қурилиш соҳасидаги аккредитация тартиби;

бош режаларни, батафсил жойлашув лойиҳаларини, лойиҳа-смета ҳужжатларини ишлаб чиқиш, қурилиш учун талабномаларни келишиш, пудрат учун давлат шартномасини ишлаб чиқиш ва тузиш тартиби;

лоyiҳа ҳужжатларини экспертизадан ўтказиш, қурилиш объектларининг қурилиш инспекциясини амалга ошириш ва фойдаланишга қабул қилиш, шу жумладан, давлат-хусусий шериклик шартлари асосида амалга ошириш тартиби;

лоyiҳалаш ва қурилиш соҳасида ишлайдиган архитекторлар ва муҳандислар малакасига талаблар қўйган ва уларнинг жавобгарлик, шу жумладан, моддий жавобгарлик даражасини белгилаган ҳолда қурилиш тармоғини профессионал жиҳатдан тартибга солиш;

ўтиш даври қоидалари, шу жумладан, қурилиш назорати сифатини, конструктив хавфсизликни, жавобгарлик тартибга солинишини ва суғуртани таъминлайдиган, қурилиш фаолияти субъектларининг рақобат муҳити ривожланишини давлат томонидан қўллаб-қувватлайдиган бошқа масалаларни назарда тутсин.

Назорат – вазирнинг биринчи ўринбосари (Б.Закиров)

д) Вазирликнинг барча бошқарма ва бўлим бошлиқларига:

ўз йўналишлари бўйича қонун ҳужжатларига ўзгартириш ва қўшимчалар киритиш юзасидан тегишли таклифларни жорий йилнинг 25 ноябрь кунига қадар ёзма ва электрон шаклда юридик бюрога тақдим этилсин;

Юридик бюро бошлиғи (А.Ражабов):

Тақдим этилган таклифлар асосида бир ой муддатда қонун ҳужжатларига ушбу Фармондан келиб чиқадиган ўзгартиш ва қўшимчалар юзасидан Ўзбекистон Республикаси Вазирлар Маҳкамасига таклифлар киритилсин.


Назорат – вазир ўринбосари (Э.Искандаров)

11. Вазирликнинг Йиғма ахборот ва таҳлил бошқармаси (Ш.Нуриев): юқорида берилган топшириқлар ва вазифаларнинг бажарилиши юзасидан тизимли таҳлил ва мониторинг олиб борсин ва ҳар 15 кунда ахборотни вазирга киритиб борсин.

12. Юқоридаги берилган вазифаларни белгиланган муддатда бажариш ва ижро этиш юзасидан ишчи гуруҳи раҳбари ва аъзолари тенг равишда жавобгардир.

13. Мазкур буйруқнинг ижросини назорат қилиш вазирнинг биринчи ўринбосари Б.Закиров зиммасига юклатилсин.

Вазир



А.Тухтаев